



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-484-3/23**
Datum: **08.12.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „G- PETROL“ d.o.o. Sarajevo, za izdavanje vodne dozvole za ispuštanje oborinskih onečišćenih otpadnih voda sa lokacije objekta benzinske pumpne stanice sa pratećim sadržajima, izgrađenog u ulici Kasima Čehajića na broju 52., grad Bihać, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „G-PETROL“ d.o.o. Sarajevo, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u ulici Kasima Čehajića, broj 52., na zemljištu označenom kao k.č. broj: 334/5, 338/3 i 336/5 K.O. Bihać (stari katastarski operat), odnosno k.č. broj: 3223/17, 3223/13 i 3223/14, K.O. Bihać-grad (novi katastarski operat), grad Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa ovjerenom tehničkom projektnom dokumentacijom, njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u dva podzemna dvoplašna rezervoara – 2x100 m³, sa primjenom sistema automatske dojava o procurenju međuplašnog prostora, ukupnog kapaciteta 200 m³. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.3. Da se istrošena ulja, nautljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.4. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman oborinskih onečišćenih otpadnih voda (separator ulja i masti), a zatim tretirane vode ispuštaju u recipijent.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20).

- 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.7. Da se tokom važenja ovog rješenja obezbijedi minimalan broj uzorkovanja otpadnih voda na mjestima postojećih ispusta do izgradnje okna za monitoring (mjerno mjesto definisano projektnom dokumentacijom iz tačke 3.1.), shodno Uredbi o uslovima ispuštanja otpadnih voda u okoliš i sisteme javne kanalizacije, te pojedinačni i zbirni izvještaj putem laboratorije dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav 3. Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10 - 41/20).
- 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanja i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „G-PETROL“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **5 (pet) godina**, od dana pravosnažnosti ovog rješenja.
9. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „G-PETROL“ d.o.o. Sarajevo, obratilo se ovoj Agenciji zahtjevom, zaprimljenim dana 31.10.2023. godine, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima izgrađenog u ulici Kasima Čehajića 52, na zemljištu označenom kao k.č. broj: 334/5, 338/3 i 336/5 K.O. Bihać (stari katastarski operat), odnosno k.č. broj: 3223/17, 3223/13 i 3223/14, K.O. Bihać-grad (novi katastarski operat), grad Bihać. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra; izdano dana 27.04.2023. godine, od strane Općinskog suda u Sarajevu pod brojem 065-0-RegZ-23-004327,
- Ovjerena kopija Uvjerenja o poreznoj registraciji, izdano dana 08.02.2022. godine, od strane Federalnog ministarstva finansija, Porezne uprave Federacije BiH – Kantonalni porezni ured SARAJEVO,
- Kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-613-2/22, izdano od strane Uprave za indirektno – neizravno oporezivanje Banjaluka dana 28.01.2022. godine, u Banjaluci,
- Punomoć zastupnika podnosioca zahtjeva, broj: NB0100000/IN-PU/5/2022 od 03.02.2022. godine,
- Kopija platnog naloga za upravnu pristojbu, UniCredit Bank od 28.09.2023. godine,
- Kopija rješenja o vodnoj dozvoli, kojim se pravnom licu „G-Petrol“ d.o.o. Sarajevo, daje vodna dozvola za ispuštanje onečišćenih oborinskih voda sa lokacije objekta benzinske pumpe sa pratećim sadržajima, locirane u ulici Kasima Čehajića 52, grad Bihać, izgrađenog na zemljištu označenom kao k.č. broj: 334/5, 338/3 i 336/5, K.O. Bihać (stari katastaraki operat), odnosno 3223/17, 3223/13, 3223/14, K.O. Bihać-grad (novi katastaraki operat) općina Bihać; izdano od strane Agencije za vodno područje rijeke Save Sarajevo pod brojem UP-I/25-3-40-504-4/18, dana 08.11.2018. godine,
- Kopija rješenja o okolišnoj dozvoli, kojim se izdaje okolišna dozvola operatoru „G-PETROL“ d.o.o. Sarajevo za objekat benzinske pumpe koja se nalazi u ulici Kasima Čehajića 52, u Bihaću, na zemljištu označenom kao k.č. broj: 3223/17 K.O. Bihać-grad, kapaciteta spremnika za sirovine 200 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-489-UP-1/21, dana 19.09.2021. godine, u Bihaću,
- Kopija Rješenja, kojim se daje odobrenje za izgradnju benzinske pumpe i pratećih objekata, spratnosti P, gabariti objekta, podrum: - zgrada sa trgovinom, skladištem, kafe barom, pratećim prostorima i sanitarnim čvorom, tlocrtne veličine 17,00 x 14,45 m, - automatska autopraonica, tlocrtne veličine 8,70 x 11,60 m, - istakalište sa nadstrešnicom, tlocrtne veličine 22,50 x 10,40 m, - lučna svjetlopropusna nadstrešnica, tlocrtne veličine 11,50 x 13,50 m, - podzemni rezervoari, tlocrtne veličine 7,50 x 10,80 m. Sadržaj pojedinih etaža: - prizemlje: poslovni objekat sa pratećim sadržajima, automatska autopraonica, istakalište sa nadstrešnicom, na građevinskoj parceli označenoj sa k.č. br. 334/5, 338/3, 336/5, k.o. Bihać, po starom katastarskom operatu, odnosno, k.č. br. 3223/17, 3223/13, 3223/14 k.o. Bihać-grad, po novom katastarskom operatu, u ukupnoj površini od 2.866 m², a koja se nalazi u Bihaću, ul. Hasan paše Predojevića, investitora „OMV ISTRABENZ“ BiH doo za trgovinu naftom i naftnim derivatima Sarajevo, iz Sarajeva; izdano od strane Službe prostornog uređenja, katastra i imovinsko – pravnih poslova općine Bihać pod brojem 03/1-23-2-4798/04, dana 21.06.2005. godine, u Bihaću,
- Godišnji izvještaj o monitoringu svih objekata u vlasništvu „G Petrof“ doo Sarajevo sa planom monitoringa broj GI-12/23 od januara 2023. godine i izvještaj o monitoringu kvaliteta i kvantiteta otpadnih voda benzinske pumpe „G-PETROL“ Poslovna jedinica Bihać 2, broj izvještaja 796/23, urađen od strane Inspekt – RGH d.o.o. Sarajevo, dana 24.05.2023. godine,
- Kopija zapisnika o radovima na pranju i čišćenju separatora broj naloga od 06.11.23. izvršen 15.11.2023. godine od strane ovlaštenog pravnog lica „Delta Petrol“ doo Kakanj,
- Operativni plan mjera u slučaju vanrednih incidentnih zagađenja BP 2 Bihać izrađen od strane „Inspekt – RGH“ doo Sarajevo dana 04.09.2023. godine,

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-484-2/23 od 01.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Automatska auto praonica iz navedenog rješenja o odobrenju za izgradnju BP 2 u nije izgrađena.

Poslovni objekat benzinske pumpne stanice sa pratećim sadržajima „G-Petrol“ d.o.o. Sarajevo, je izgrađen u Kasima Čehajića u Bihaću. Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, spremnika za gorivo,

separatora, internih saobraćajnih i parkirnih površina te zelenila. Gorivo se dovozi autocisternama i pretače u ukopane dvoplašne spremnike (2x100 m³), ukupnog kapaciteta 200 m³. Sanitarne otpadne vode iz maloprodajnog objekta su kanalizacionim cijevima sprovedene do priključka na kolektor gradske kanalizacione mreže. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom na internu oborinsku kanalizacionu mrežu. Oborinske vode sa manipulativnih površina, koje mogu da sadrže produkte naftnih derivata i suspendirane materije, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do separatora ulja i masti na potreban tretman. Preliv iz separatora je priključen na kolektor gradske kanalizacione mreže. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do separatora ulja i masti na potreban tretman.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva „G-PETROL“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „G-Petrol“ d.o.o. Sarajevo, Marka Marulića 2, Lamela B, 71 000 Sarajevo,
- AVP Sava, ISV – Vodna knjiga
- Sektor 50
- Ⓢ Sektor 40, arhiva
- Oglasna ploča-AVP Sava